



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Titvlvs XIII. De Ordinatis Ab Episcopo, Qvi Episcopatvi Renvntiavit.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

possint, sed neque publicè accèdentem re-
pellere: opus est, vt ad Superiorē rē defe-
ratur, vid. ad Metropolitanū aut Papam;
si agatur de consecratione Episcopi non ido-
nei; vel ad Episcopum, si agatur de matri-
monio diocesani occulto impedimento la-
borantis, iuxta c. vlt. de clandest. despōsat. &
docui lib. 3. tr. 3. p. 2. c. 4. n. 10.

Quærynt hic DD. Quid agendum sit
Archidiacono, si occultum defectum nouerit
eius, quem Episcopo præsentare deberet. Re-
pondeo. Si nec priuata monitione, neque
delatione ad Superiorē quipiam se profe-
sturum videat, quia ipsi fides non habebitur;

cum crimen ostendere non possit. Tunc ope-
ram dare debet, si sine suspicione aut infama-
tione possit, vt officium præsentandi ea vice
declinet. Sin autem declinare non possit, di-
cat verba illa. quæ secundūm præscriptum
Pontificalis dici solent. Neque enim menti-
tur, aut contra conscientiam loquitur; cum
ea verba proferat vt persona publica, seu in
persona Ecclesie: quo sensu verum dicit, si
defectus occultus mansit, & in præcedente
examine aut inquisitione non proditus. Ita
docent Innocent. Ioan. Andr. n. 10. Anton.
Butrio in fine c.

TITVLVS XIII. DE ORDINATIS AB EPISCOPO, QVI EPISCOPAT VI RENVN- TIA VIT.

CAPITVLVM I.

Requisiuit.

PARAPHRASIS.

EX Alexandro III. quæsiuit
Toletanus Archiepiscop⁹ de
Clericis, qui ab Antecessore
suo, postquam is Episcopa-
tui renuntiavit, ordinati sunt, utrum in
susceptis ordinibus ministrare possint. Re-
spondet Papa, esse distinguendum: Vel e-
nim loco tantum renuntiavit, & non di-
gnitati, vel loco simul, & dignitati. In pri-
mo casu ius habet ordines conferendi, sic-
ut antea, si aliquo Episcopo rogatus
sit, vi subditos suos ordinet. In secundo
autem casu refert, utrum facros, vel mino-
res ordines contulerit. Si enim aliquis à
tali Episcopo ordines tantum minores,

seu usque ad Subdiaconatum (exclusi-
uè) acceperit, nullam suspensionem vel
inabilitatem contrahit: quandoquidem
ij ordines quandoque etiam à non Epi-
scopis (v. g. ab Abbatibus) conferun-
tur. Sin autem facros ordines à tali Epi-
scopo, & quidem scienter acceperit, exe-
cutione ordinum priuatus esse debet. Sin
autem ob ignorantiam, tum, nisi crassa vel
supina fuerit ignorantia, proprius Epi-
scopus cum eo dispensare potest,

SUMMARIUM.

1. *Episcopus renuncians non tantum loco,
sed etiam episcopal dignitati, actus e-
piscopales, saltem ei proprios, exercere
non potest.*
2. *Episcopus inhabilis ad ordines legitime
conferendos, non reddit eos, quos ordi-
nat, habiles ad executionem legitimam
Ordinum ita susceptorum.*
3. *Inabilitas ista non est propriè censura.*

Ttt 2 Suspen-

Suspensionis, sed potius quædam irregulatæ, que tolli debet per dispensationem Papæ, si ea contraria sit per culpam mortalem notoriam; Episcopi autem, si per ignorantiam inculpatam, aut saltem non crassam, Ordinem sacrum Clericis ita acceperit.

4. *Episcopus regimini tantum, & non etiam dignitati renuntians, si alicui absque licentia ordinarij Episcopi Ordinem sacrum conferat, ordinatus ordinis suscepti executione priuatus est; potest tamen cum eo Ordinarius dispensare.*

NO T A N D V M I. Episcopus interdum renuntiat loco tantum, id est, officio & administrationi Episcopali, retinet tamen dignitatem, quam haberet ex consecratione, ut possit actus Pontificales exercere. Interdum vero renuntiat tum loco, tum dignitati. Quo casu actus Episcopales exercere non potest, saltem eos, qui Episcopali dignitati ita propri sunt, ut ab inferioribus sacerdotibus conferri non soleant. At vero facultati ordines minores conferendi, calices, & paramenta sacra benedicendi &c. non censetur renuntiarse Episcopus, cum Episcopali dignitati renuntiatur: quod quidem tales actus etiam à non Episcopis interdum exercentur, & renuntiatio strictæ interpretationis esse debet. Semper tamen requiritur licentia Episcopi proprij, ut Diœcelani eius etiam in minoribus ordinentur ab Episcopo, qui Episcopatu renuntiatur, ut bene Host. notauit hoc tit. §. Quid juris. Vide quæ dicta sunt in c. quod translationem, 11. de renunt.

2. **N**O T A N D V M II. Si Episcopus habilis non sit ad ordines legitimè conferendos, non efficit eos, quos ordinat habiles, ad usum seu executionem legitimam ordinum ita susceptorum. Non enim plus aliquis dare solet, quam in potentia habet: Episcopus autem, qui ordinis ac dignitati Episcopali renuntiatur, vel qui excommunicatus vel suspensus, itemque denuntiatus est, &c. is characterem quidem Episcopalem habet, sed potestatem ordines legitimè conferendi non habet: Ergo sequitur, quod characterem quidem ordinatis

conferat, ita ut ordine suscepto validè ut possint, potestatem autem legitimè exequendi non conferat.

NOTA ND V M III. Inabilitas ista non est propriæ suspensionis censura; sed potius irregularitas quædam, cum etiam absq; culpa, & cum intūcibili ignorantia contraria possit. Namobrem non per absolutionem, sed per dispensationem tolli debet: quamvis cum discrimine. Si enim sc̄iter quis, vel per culpm mortalem ordinem sacrum acceperit ab Episcopo, qui tam regimini, quam ordini & dignitati Episcopali renuntiavit, tunc dispensatio sum. Pontifici reseruat; quod spectato iure novo, Trident. ses. 24. c. 6. de reformat. intelligitur, si facinus notorium sit. Sin autem per ignorantiam inculpatam, aut saltem non crassam, ordinem sacrum Clericus ita acceperit, Episcopus cum eodem dispensare potest.

QUÆRES. Quid si Episcopus, qui regimi- ni tantum, non dignitati renuntiavit, sacram ordinem alicui conferat, absque ordinarij Episcopii licentia? Respondeo, cum Suarez de censur. disp. 3. secc. 1. suspens. 1. Ordinatos ordinis suscepti executione priuatos esse, non quia ordinati sunt ab Episcopo, qui renuntiavit, sed quia ab alieno sine proprij Episcopii licentia ordinem acceperunt. Veruntamen in hoc casu Episcopo ordinario absolutè conceditur dispensandi facultas, Trident. Ses. 23. c. 8. de reform. & dixi supra in c. tit. q. de tempor. ordinat. in 6.

CAPITVLUM II.

Cum Clericis.

S U M M A R I U M .

1. *Cum Clerico, qui ab Episcopo excommunicato per ignorantiam ordinatum est, potest Episcopus proprius dispensare.*
2. *Clericus gravi metu adactus, ut ab Episcopo, qui renuntiavit episcopali dignitati, excommunicato, suspensus, simoniae, & eorum denunciato, ordines acceperit, inabilitatem ad Ordines, & quandam quasi irregularitatem contrahit.*

Si Cle-

Si Clericus ab Episcopo excommunicato per ignorantiam ordinatus fuerit, Episcopus proprius cum eo dispensare potest. Hinc autem per sensum contrarium colligitur, si Clericus sciebat vel per ignorantiam crassam, ab excommunicato ordinem acceptum, Episcopum dispensare non posse, ut in suscepis ordinibus ministret, auf ad altiores ascendet. Consentit c. ordinationes, 5. causa 9. q. 1.

Ratio est: Quia excommunicatus non habet potestatem legitimam ordines conferendi; ergo qui ab eo ordinantur, non recipiant ius exercendi ordines legitime, sicuti praec. c. argumentatus sum, argum. c. quod autem 5. de iure patron. Pro non dato habetur, quod datur ab eo, qui de iure dare non posse. Et habet haec ratio locum in Episcopis haereticis, schismatis, aliquique excommunicatis; item in depositis, ab ordine suspensis, interdictis, denique & in simoniaicis, c. si quis à simoniaicis, 108. causa 1. q. 1. Cæterum post Extraug. Concil. Constantiens. Ad evitandas necesse est, Episcopum ob crit.

men vel censuram denunciari tanquam vietandum, aut notorium clerici percussorem esse, vt ordinatio eius legitimum exercitium ordinantis non conferat, sicuti bene docet Syl. ver. interdictum, q. 7.

QUÆRITVR: Si quis grati metu adigatur, ut ab Episcopo, qui Episcopali dignitati renuntiauit, vel ab excommunicato, suspenso, simoniaco, eoque denuntiato, ordines accipiat, vtrum dictam inhabilitatem ad Ordines, ac veluti quandam irregularitatem contrahat. Negat Nauar. c. 27. n. 241. Syl. lo. cit. Sairus in thesauro lib. 4. c. 14. n. 5. Sed contrafium est teneridum cum Maiolo lib. 4. de irregul. c. 22. Suarez de censur. disp. 31. f. 1. n. 63. Quia haec inhabilitas non incurritur ob culpari ordinati, (à qua mensura grauis excusare potest, si non in Religionis, aut Ecclesiastice potestatis contemptu incutiatur, vt dixi lib. 1. Th. mor. tr. 5. p. 1. c. 5. in fine) sed ob indignitatem malè ordinantis: Maior autem est ordinationis peruersitas, si etiam vis iniusta ordinatoris acescerit.

TITVLVS XIV. DE ÆTATE, ET QUALITATE, ET ORDINE PRÆFICIENDORVM.

Enhus tit. est, Quanam ætate, vita ac moribus, & quo ordine clericali debeat esse prædicti, qui ad prælaturas, aliâve Ecclesiastica beneficia promouentur. Nam Pontifici propositum est agere de sacra ordinatione: Clerici autem eo fine ordinantur, ut ad Ecclesiasticâ ministeria instituantur. Igitur de eorum ætate, & alijs qualitatibus agendum est.

CAPITVLUM I.

Vt Abbates.

PARAPHRASIS.

Abbates, Præpositi, & Decani, qui Presbyteri non sunt, fiant: Et qui Archidiaconi-

tum obtinet, Diaconus; qui Archipresbyteraturi obtinet, presbyter ordinetur: Si nolit, dimittere debet dignitatem, seu beneficium suum: Imò etiamsi iusta causa impediatur, quo minus ordinari possit.

S V M M A R I V M.

Sub pena priuationis beneficij debent beneficiari suscipere Ordines, quos beneficia requirunt, etiam si iusta causa impediri finit, modo impedimentum sit perpetuum, seu diu duraturum.

NO TANDVM I. Quædam sunt dignitates, ac beneficia Ecclesiastica, quibus ipso iure annexus est sacer ordo, seu potius

Tit. 4. obligatio